

〔本朝續文粹表〕朔旦冬至賀表

敦光朝臣

臣忠通等言珠璧連耀測景晷於周臺笙鏞奏聲迎時律於漢室哲后撫運暗協禎符者也臣某誠歡誠喜頓首頓首死罪死罪伏惟皇帝陛下踐翼承基欽象均德奉順天地之道富有春秋之齡閏餘正時八九之節候不忒寒暑成歲十千之稼穡斯豐况今月壬辰朔旦冬至得天之紀周而復始檢之方策則列辟稀逢尋之彝章亦羣僚稱賀猗哉同幼年於軒年大椿之陰更盛比聖日於堯日若華之光初昇臣等值此有慶之昌期獻以無疆之上壽高望絳闕之雲共雙鳳而來儀新擊黃鍾之石與百獸而率舞凡在庶品孰不傾心非無欣躍之至謹拜表以聞臣某誠歡誠喜頓首頓首死罪死罪謹言

大治元年十一月日

〔台記〕天養二年元久安閏十月九日庚戌參內依大根申文也申文了起仗座之後於陣腋頭辨仰

云使左大辨藤原朝臣顯業作朔旦冬至賀表答承由頭辨云賀表事先被仰左府源依病被辭申仍

所被仰也十一日壬子始自今日造朔旦旬次第後執筆十四日乙卯造朔旦旬次第有仁

已今日依日次宜惡日不可仰□□□□為仰朔旦賀表事遣召左大辨先日之處依疾不來因之以大

外記師安令傳仰差遣六位外記仰之云々永承五年朔旦賀表事宇治殿于時關白左大藤原賴通以

觀令傳仰云々寬治二年匡房記依彼例所為也此次朔旦旬次第給師安十七日戊午出居次將侍從等可

仰上卿而于今不仰仍示驚光房今日來仰云次將頭左中將經宗朝臣侍從右京權大夫顯親朝臣即

以此旨仰師安又酒番侍從可催之由仰之昨日師安云賀表料紙白色一上賜外記是嘉承大治之例

也其以來不知用何所紙今度左府依惱不宣下表事猶左府可賜歟將尊閣可給歟十八日己未依

先日召權右中辨朝隆朝臣裝束來仰可令作賀表案莒花足令設錦臥組丸緒之由案莒花足造曹司

設之家色目寸法等書一紙給之其寸法等依延久例其主後三條院其臣京極大殿為吉例之故也後三

表宣下長元四年實資大臣召史仰案等事之由見經賴記然而案他事無上卿召仰史例仍召辨仰之